

مجموعۃ ابو الضریا

ماسوا شاہد سندن دلی تطہیرہ چالش
بر تو حکمت و عرفان الہ تنویرہ آتش

ہر ماہ عربی ابتدا سیلہ اون ہشندہ نشر اولتور فنون مجموعہ سیدر

جزو ۴۲ [فی ۱۵ ربیع الاول سنہ ۱۳۰۲] نسخہ سی ۳ فروش

ایشته قاتولیک و ارتودوکس کلیسارینک تامامیله افتراقه بوسکرنجی
قونسیل باعث اولمشدر .

(مابعد وختای کلهجک جروده)

تشرین اولک اون یدیی

جهانه نادرکلان اقتدار فوق العاده اصحابندن بریده ناپولون بوناپارتدرکه
منسوب اولدینی عائله درکه مجهولیتده بولندینی حالده کندییی سائقه ذکا
وفطانتله مراتب بشریه نك اك بلند پایه سنه ارتقا ایده بیلشدر .

مشار اليك احاد ناس صره سندن حکمدارلق مرتبه سنه صعودی
ایچون آره یرده خط وصل حکمنده اولان تاریخ تشرین اولک اون یدنجی
گونه تصادف ایتدیکی جهته یوم مذکور فرانسز لساننده مثل سائر حکمنی
آلمش و بناء علیه فوق العاده بر صورتله نائل اقبال اولانلر حقننده « تشرین
اولک اون یدیسنه تصادف اولمشدر » قولیله تاریخ مذکوره تلخیص ایدیه کلکده
بولمشدر .

فی الحقیقه ناپولون بوناپارتک تاریخ مذکوره قدر بولندینی حال ایله ایرتسی
کونکی حالی یعنی برکون اول فرانسه جنرالی ایکن ایرتسی کونی قراللق درجه.
سنه اتصالی وقوعات مهمه تاریخیه دن اولدینی جهته آره یرده خط وصل
اولان یومک دخی ایام مشهوره تاریخیه صره سنده شمار ایدلمکه لیاقتی درکاردر.
ناپولون کرک ذاتنده و کرک بولندینی زمانک اطوارنده کوردیکی
استعداده کوره برکون فرانسه حکمدارلغنی دخی اله کچیرمک آسان اولدینی
کشف ایتدیکندن قوماندانقله فرانسه خارجنده هر زویه کتسه نکاه
ابتصاری دائماً فرانسه یه منعطف اولور و شکارینه انتظاراً درکین بولنان
بر شیردلیر کی فرانسه ده ظهور ایدن ادنا شمتته قولاق قبارته رق ظهور
ایدهجک فرصتدن انتهازه حاضرلنیردی .

مشار الیه بر قوه کلیه ایلہ طولون لیانندن حرکتله ابو خوره جیقدقن
 صگره بر برینی متعاقب بر طاقم غلبات احراز یله خطه مصریه بی فرانسه
 عسکرینه رام ایش اولدینی حالده دخی بو انتظارندن فارغ اوله میه رق اک
 بیوک اشتغالاتی آره سنده بیله مقصد منفردینی فکرندن دور ایده مز ایدی .
 او تار یخده فرانسه ده حکمفرما اولان [دیره کتوآر] حکومتی ایسه
 هر طرفدن دوچار استحقار اوله رق نفرت عامه بی قزائمش واقندارسزلنی
 ایلہ برابر ویردیکی او امر متناقضه نك تاثیر یله فرانسه اردولری طرف
 دوچار مغلوبیت اوله رق مملکت تهلکه استیلا یه تقرب ایش ایدی .

بو ناپارت فرانسه ده وبالخاصه پارسه ده افکار عامه نك پیدا ایتدیکی
 غلیانی غزته لرك مباحث روز مره سندن استدلال ایتدیکی کبی بعض احباسبی
 طرفندن آلدینی مکتوبلرده دخی حال حاضرک وخامتی کندوسنه بیلدیرمش
 اولمسندن اوتهدن بری بکلدیکی فرصتک وقت انتهازی تقرب ایلدیکنه حکم
 ایلہ اردو بی مؤخرآ سلیمان حلینک خنجر انتقام یله هلاک اولان جنرال
 قله بره تودیع ایدرک کندیبی خفیاً مصردن صاوشمش وَ بَغْتَه (فره زو) نام
 محله خروج ایتدیکنده چونکه آوازه شهرت غالیبتی اولجه مسامع عامه بی
 طولدیرمش اولمسندن کچدیکی یرلردن فرانسه نك چوقدن بری منتظر
 اولدینی ناجیبی کلمش کبی مظهر آثار حرمت اوله رق پارسه واصل اولمشدر .
 بوناپارت کبی حدت ذکا اصحابی یکنظرده انسانلرک اک دقیق
 حسیاته قدر واقف اولق خصیصه سنه مالک اولدقلرندن مشار الیه دخی
 رهکذازنده مشاهده ایلدیکی آثار حرمتدن فرانسه خلقنک منوی ضمیرنک
 اجرا سنده کندوسنه نه درجه لرده مظاهر اوله بیله جکلرینی تقدیر ایده رک
 پارسه براطمئن قلب ایلہ داخل اولمش ایدی .

فرانسه تاریخ انقلابی مطالعه ایدنلرک مجهولی اولدینی اوزره اوزمان
 فرانسه نك قوه تنفیذیه سی [دیرکتوآر] حکومتیه وقوه تشریعیه سی ایسه
 [بشیوزلر] وَ [اختیارلر] نام یله ایکی بیوک مجلسه مودوع اولدیغندن بوناپارت

پارسه مواصلتندن برایکی کون صکره بتون پارس سوقاقرینه یاشدیرتدینی یافته لرده دیرکتوآر حکومتی مخاطب اتخاذ ایدهرک دیمش ایدی که :

« سزه براقدیغ شانلی فرانسه یی نه یاپدیکز ؟ مملکتی مسالمت ایچنده
 « براقدم محارب بولدم . اردولرمز غالب ایکن مغلوب اولمشلر . ایتالیادن
 « اغتنام اولنان خزائن ایله مملکت برمنیع سامان حکمنی بولمش ایدی .
 « شمعی هر یرده قانون اختلاس حکمفرما ، فقر و ضرورت چهره نما بولنیور .
 « رفیق شان و شهرتم اولان یوزبیک فرانسر قهرمانی نه اولدی ؟ . . .
 « قعرنایاب عدمه رهرو اولدیار دکلی ؟ بو حال دوام ایدمهز .
 « زیرا اوچ سنه یه وارمه دن بزی ینه اولکی پنجه دهشتنای سیئاته تسلیم
 ایده جکدر . »

بوناپارتنک مخصوصاتسندن اولان بلاغت عسکر به ایله ترتیب ونشر
 ایتمش اولدینی براعلانامه اوزرینه دیرکتوآر حکومتی فسح اوله رق میدانده
 یالکز قوه تشریعه نك مثال مشخصی اوله رق ایکی مجالس قالمشیدی .
 بوناپارت پارسده کی عموم قوه عسکر به نك باش قوماندانی نصب اولندیغندن
 ایکی کون صکره (غره نادیه) دنیلان عساکر گزیده یی معینه آله رق
 قوه تشریعه مجلسلرینه کیدر . اختیار مجلسنه دخولنده کندی حقنده
 درمیان اولنان مفترقاتی ینه مخصوصاتسندن اولان برطالاقته رد ایدرک مظهر
 تحسین اولدقدن صکره شدتلی برمذاکره کیرشمش اولان بشیوزلر مجلسنه
 دخی داخل اولور . فقط غره نادیه لرینی مجلس قپوسنده ترک ایله
 سونکیارندن متحصل شعشه دهشت بخشایی کوسترمکه میدان ویردیکی
 صروده کندیسی شایقه سی الزده اوله رق مجلسک اورتیه سنه طوغری
 ایلرولدیکنده « دیققتور ایستیر ! حیقکز . حدود مقدسه قانونه تخطی
 ایدیورسکر ! » صدالری عیوقه چیتمش ایدی . مبعوثلر مجلسه ریاست
 ایدن (لوسیئن) دن ناپولیونی طیشاری چیقارمقلغنی طلب ایلدکارنده
 مومی الیه بونلره سوز کچیرمکه چالیشرسده موفق اوله میهرق مقام ریاستدن

چکیلیر . بونک اوزرینه ناپولیون عسکرینه توجیه خطاب ایله « عسکر، سزی شان قزاقی ایچون بورایه کتیردم . عجبا سزه اعتماد ایده بیله جکمی یم ! » دینجه عسکر یکران اوله رق « اوت ! اوت ! یشاسون بونا پارت » صداسیله مقابله ایلدیکنده قوماندانلری اولان جنرال (لوقامرن) عسکری مجلس دائرہ سنه ادخال ایله « جنرال ناپولیون نامنه قوۋه قانونیه نک الفای ایلدیکنی اعلان ایلرم . انقیاد ایتک ایستیان مبعوثان چکلسون . عسکر ! ایلری ! » قوماندہ سنی ویررک مجلس طاقتمسندن اختیار مجلسی بالکر قالمغه قوۋه اجراییه بی اوج قونسوله تسلیمه مجبور اولور .

اشبو اوج قونسولک برنجیسی بونا پارت اولغله اوکوندن اعتباراً جمهوریت محو ایدیلرک یرینه شدید الشکیه برحکومت قائم اولمشر .

فرانسه نک دیرکتوآر حکومتی زماننده دوچار اولدینی اختلافات اغتشاش پرورانه نک یرینه برایکی کون طرفنده امن وسکون قائم اولقلانی ناپولیون طرفندن تشرین اولک اون یدنجی کونی اجرا ایدلمش اولان سالف الذکر ضربه سیاسیہ سایه سنده حاصل اولمشر . حتی بونا پارت اوزمان رجال سیاسیہ سندن مشهور طالیران ایله برکون اثنای مصاحبتده « موسیو ! سزک پک زنکین اولدیغکزی سویلورلر . بونکله برابر جمهوریت زماننده شهرت سامانکر شایع اولماش ایدی . » دیدیکنده طالیران « اوت ! بوسؤالکر پک بحادر . فقط ملاحظه بیورکرکه تشرین اولک ۱۷ نجی کونی پیاسده بوله ییلدیکی قدر فرانسه تحویلات دیونی اشترا ایله تاریخن ۳ کون سکره صاتان برآدم زنکین اولمازمی » جوابیله تشرین اولک اون یدنجی کونی دیرکتوآر حکومتک یوم اخیر اغتشاشی اولدینی کی یکرمنجی کونی دخی ناپولیونک زمام اداره بی اله آلمسیله هریده امن وسکون حاصل اولمسندن آنک تأثیرات حسنه سی نتایجندن اوله رق فیأت اسهامک دخی ارتقا ایتکملکی باعث یساری اولدینی لطیف برصورتده تفهیم اولمشر .

نابولیون مسند حکمداریده بولسیدنی صرهدده مؤرخلردن بری
زمنجه مشارالیهک مظهر التفات وعاطفتی اولق ایچون بوناپارت خاندانی
نامنه برشجره ترتیبیه نابولیون سلسله انسانی برمنبع اصالتیه ایصال غیرتنه
دوشمش اولدینغی نابولیون خبر آنجه « بوجکی تکلفلردن دها چوجوچه برشی
اوله ماز. نابولیون خاندانک هانکی زمان پیدا اولدینغی صوره جق اولان ذواته
[تشرین اولک ۱۷ یسی] سوزیله مقابله ایتمک الک کسیدیرمه جواب
اولور » دیمشدر .

بینه اصلاح حروف دعواسی

حروف عربیه نک (لاتین) حروفی گبی هر برکله بی حقیله یازوب
اوقومغه کافی اولمیدنی بختی ۱۲۷۸ سنه سندن بری ظهوره گلش بر مسئله
عربییه در .

بومسئله بی الک اول روسیه ایمپراطورینک عمیسی غراندوق میشلک
قفقاسیا والیلکی هنکامنده یاور حربی بولان آخوندزاده فتحعلی نامنده
ایرانلی بر ذات میدانده قومش و حرکاتی حروف صرهدسندده یازیلیر برده
خط ترتیبیه نمونه سنی مقام خلافت سنییه تقدیم ائیش و حتی او بایده قلمه
آلدینغی استدعایامده « اگر اتخاذه ممکن اوله مازسه بیله بونک ده دیگر
خطوط اسلامیه صرهدسده ادخال اولمسنه » قصر آرزو ائیش ایدی .

او تاریخده ایسه مقام صدارتدن بومسئله مهمه کندیلرینه « آقاده .
میسین » سوسی ویرمک ایستیان بعض اعضاسنک تمنای اوزرینه ملغا
(جمعیت علیه عثمانیه) یه حواله اولغصله فتحعلینک ایجاد کرده سی اولان
حروف اوراده موقع بحث و تدقیقه قونه رق مرحوم قدری پاشا گبی حمیت
ودیانتی عرفان و معرفتله ترین ائیش بعض ذوات طرفندن مؤخذات محقانه
اوغرامقله دیگرلری طرفندن اگرچه او رایه اتباع ایدلماش ایسه ده ترویجنه